

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Formulare und deutsch Rhetorica**

**[Ulm], nicht vor 18. Jan. 1479**

Rhetorica

[urn:nbn:de:bsz:31-327169](https://nbn-resolving.org/urn:nbn:de:bsz:31-327169)

## Rethorica

§rag

Sag mir warauß lernet man beieff dichten

Antwort

Auß der rethorick kunst

§rag

So man eyn missue das ist eyn sendbeieff machen will durch welche ordnüg mag das geschehen das sy vnstraffer gesetzt werd

Antwort

Das müß beschehen etwen durch fünff artickel etwen durch vier etwen durch drey etwen durch zwen darnach vnd die sach gestalt oder eyner dem andern gewannt ist

§rag

Wie heysent die selben fünff artickel

Antwort

Sy heysent also Salutatio Exordium Narratio Petitio vnd Conclusio

§rag

Bedarff eyn yeglicher sendbeieff der fünff artickel

Antwort

Etlicher bedarff die fünff all etlicher vier etlicher drey etlich zwen vnd wen er mit den fünff artickeln sol gemacht werden so müß das exordium dabey sein wan er die vier hat so sol dz exordium dauon sein wan er drey hat so sol das exordium vñ petitio dauon sein

§rag

Warumb beieibt den die conclusio finalis das sy auch mit wirt außgelassen

Antwort

Darumb das sy eyn sach ist der man nit geraten sol denn alle sachen die man redt oder schreibet sollen mit güter ordnung in eyn recht endbeschließung komen wann die rede oder geschriffte wurd straffer

§rag

Warumb heysht der erst artickel Salutatio

Antwort

Darumb wana man vmb freuntlich sachen schreibet da sol der ersten vor der meldüg der sach grüß oder dienst gesetzt werden

§rag

Warumb heysset der ander artickel Exordium vnd wann sol er gesetzt werden

Antwort

Vmb das wenn man will schreiben warumb gütt sey das eyn sach beschehe das man das vor meldung der sach erleutern vñ außlegen sol Exempla gratia Als eyn weber eyn wepffen anzettlen müß ee er garn drein tret vñ eyn tüch darauß machet also sol man die gütheit so an eyner sach ligt die man thun will ezum ersten ezum ersten exordieren ee man die sach narnier vnd das sol nach der salutation beschehen

§rag

a 1

Nun sag mir warumb heyht der dritt artickel Narratio vnnnd wann ist er zusetzen

•• Antwort

Darumb heyht er narratio das auß im gat die meldung eyner yeglichen sacht vnd durch in beriert wirt vnd wa das exordiū gebraucht wirt da sol die narratio zu nächst darnach gesetzt werden/ aber weñ man eyn sendbrieff schreibt darinn nichtzit exordinieret wirt so sol die narratio der salutation nachfolgen

• Frag

Nun vnderriht mich warumb heysset der viert artickel petitio ist als vil als bittung gesprochen vnd an welche statt sol er gesetzt werden

• Antwort

Er heysset darumb Petitio ist als vil gesprochen als bittung vnd sol allwegē das bitten beschehen nach meldung der sacht Darumb sol die petitio nach der narration gesetzt vnd gebraucht werden

• Frag

Warumb heysset denn der fünfft artickel Conclusio finalis

• Antwort

Darumb das eyn yeglicher artickel beschließung hat vnnnd wann man vmb eyn sacht bit tet zethün so sol darnach beriert werden das wöllen sy oder er geren vmb in oder sy gnädigklich beschulden vnd wann sich der brieff mit solicher beschließung endet darub heyht er Conclusio finalis vñ sol nach der petition gesetzt werden hat man auch gern antwort vmb die sacht sol man vordern vnd darnach des brieff datum setzen

• Frag

Wat die selb conclusio finaliseyn meynung in ir oder nit

• Antwort

Wie möcht sy an eyner meynung in allen sacht bestan sy müß oft verwandelt werden ye darnach vnd den die sacht gestalt ist

• Frag

Was müß eyner wissen das er müß können allerley brieff de ster Bas articulieren vnd die wörter eyns yeglichen artickels de ster Bas zefamen setzen vnd auch orthographieren

• Antwort

Er müß wissenn congruitates conunctiones constructiones copulationes distinctiones orthographiam mutationes alterationes et verba superflua zuuermeiden

• Frag

Warzü dienend das in den dingen

• Antwort

Congruitas leret recht schreiben vnnnd reden denn wa congrue geredt oder geschriben wirt das zieret die rede vnd geschriffte

was aber incongrue geredt oder geschriben das wirt straffber  
vnd der schreiber oder redner vngelert bekennet  
Coniunctio lert yeglichs artickels notturfftige wörter dem  
artickel zufügen

Constructio lert was man schreiben oder reden sol eyns yeg-  
lichen artickels zugebürende wörter wol geordnet in den ar-  
tichel setzen

- Copulatio lert die wörter eyns yeglichen artickels mit gü-  
ter ordnüg nicht gesamelt zu bestüessung der artickel künge
- Distinctio lert allen artickeln die man schreiben oder reden sol  
güt vnder scheyd geben

Dithographia lert welcherley brieff man schreibet das man  
mag wissen welche wörter vnd an welche end man die dar-  
ein mit den merern büchstaben sol schreiben vñ die pauß vñ gi-  
lieren das man es bester beteutlicher müg lesen des vnder sch-  
eydenlicher vnd das verstan

Mutatio lert die wort in eynē yede artickel durch sinonima  
vñnd andere wörter verwechsseln mit solchen andern wör-  
tern die der verwechsselten wörter inhalt außlegung mey-  
nung vñnd bedeutung sind darumb das mit ezü vit gleicher  
wörter in eynē artickel geredt od geschriben/ auch die blüm  
der rethrick nicht versert vnd das schreiben vñnd reden nicht  
vnlieblich zehören vnd auffzenemen werde

Alteratio dient von welcher sach wegen eyn concept wirt  
gemacht darinn man sich eins bessern besinet das etliche wort  
verfert werden vnd die sach darüb man schreibet in eyn besser  
vnd gefüglicher form gebraucht wirt

**Frage**

So man von etwas sach wegen schreiben oder reden will wie  
sol man das thun das es recht geredt vnd geschriben vnd das  
die rede oder geschriff eyns yegliche artickels kurtzlich sub-  
tillich vnd wol auffnemlich geredt vnd geblümt werde das  
leger ich zewissen

**Antwort**

Ich will euch das gern nach meinem verstan wissen lassenn  
ich vermeyn vnd bald das von welcherley sach wegen man  
reden oder schreiben wölle wie vil die selb sach artickel hab  
wenn etlicher artickel durch die sach so ich den dauor gesacht  
habend liebliche kurtze rechtgeordneten woerten die vnwillē  
mögen vertreiben freuntlicheyt geben vnd meren mit linder  
senffter fürbringung die eynem nemlichen sind auffzenemen  
geredt oder geschriben vber flüssige wörter darinn vermitteln

vnd mit sollichem die rede oder das schreiben an bekuntlicher  
Billicher statt geblümt werd so mag man die rede oder das sch  
reiben wol für vnstraffer halten

**Frag**

Du hast dauoe genüg vnder scheydenlich gesagt alles das so  
darzu gehöret wann man geystlichen oder weltlichen leuten  
misswē schreiben will von welcher sach wegē sich das gebürt  
wie man das sol begreifen das es wol geformt gesetzt werde  
als das die gramatick auch rethorick vnd orthographia weis  
vnd lernet / aber ich weyh nicht so du soltest eyn sennd brieff  
schreiben oder lesen ob du mir darinn zeygen kündest wa die  
salutatio anhub vnd aufgang des gleichē die narratio vñ  
petitio vnd conclusio finalis vnd kündest mir auß demē eygē  
sinn eyn sennd brieff warumb das wär formieren vnd dabey  
sagen yetzo heb ich an die narration vnd sprich also / so ver  
stand ich wol das der recht grund darauß solichs gat in demē  
hertzen wol angelegt wär denn alle sachen darumb in sennd  
brieff zeschreiben gebüret müssen dar durch begriffen werden  
vnd begere das du mir solichs formierest vnd zeygest

**Antwort**

Das will ich tū vnd yetzo an der höchsten person weltliche  
stands das ist eynem römischen künig eyn brieff anheben als  
ob ich den seinen gnaden sendden wolt vnd heb den mit der  
salutation also an

Aller durchleuchtigster fürst gnädigster künig vnd herre  
euern küniglichen gnaden seyen mein schuldige willige ge  
horsame vndertänige dienst allezeit bereyt / hie endet sich die  
salutation / nun heb ich an die narration Als ich den selbenn  
euern küniglichen gnaden nächst auch von der .N. wegen so  
ich dann euern küniglichen gnaden geliben geschriben vnd  
gebeten hab das die selb ewer gnad mir die widerüb bezalte  
auff .N. nächst vergangen das noch nicht beschehen ist nun ist  
euern gnaden wol wissend das ich der vorkererten sum von  
andern leuten .N. gulden außbracht hab in auch die auff die be  
nanten frist widerumb zubezahlend on iren schaden versprochē  
vnd zugesagt nun manend vnd strengend mich darumb an  
vñ wöllend ir gelt von mir haben oder mich des zu grösserm  
schaden bringen so bin ich meins gelts auch zermal notturffig  
das ich die den ich schuldig bin vñ die brieff vnd sigel darüb  
von mir habend vnd mein trewe brieff vnd sigel von in löse  
yetzo heb ich an die petitio Wierumb bit ich ewer künigliche

gnad mit vnderthänigē vñ ich ir wöllent meinen gūten willen  
vnd ob mir die bezahlung verzogen wurde das es mir zu ver-  
derben hām bedencken vnd gnädighlich gerūchen mir die oba-  
geschriben sum guldin bey dem gegenwärtigen meinem vortzen  
antwortter ih̄ briefs zeschicken der den selben ewern gnade  
solich gelt schuldbrief so ich darumb hab nach der bezahlung  
als eyne erlöhten brief übergeben sol/hie hat die petitiō eyn  
end vñnd hebt sich die conclusio finalis also an Das will ich  
hm fürs vmb ewer künigliche gnad die mir alle zeit zegebie-  
ten hat vñ der ich mich demütiglich empfilch mit geßamer  
williger vnderthänigē verdienen wa ich lān vnd mag vñ  
nach solichem setz des briefs datum

**Frage**

Lieber du hast mir das ich gefragt hab recht gesagt vnd mit  
wortten gesagt vnd hab das zermal gern vñ dir gehöret/nun  
wolt ich geren wissen ob du selich vnder scheyd in fremden  
sendbriefen die ander leut außgesendt hetten auch erkennen  
vnd mir die vorberierten artickel also vnder scheydenlich yeg-  
lichen besunder darinn gezeigen kündest

**Antwort**

Ich getrawen gott ich wölle es euch in eynem yeglichen teit  
sich senndbrief der anders vnser landsprach ist gezeigen  
Item yetzo sol man in eynē sendbrief sū legen vnd darnach  
eynen vnd darnach aber eynen da ir yeglicher der vorberierte  
fünff artickel salutatio exordium narratio petitiō vnd conclu-  
sio finalis mer hab denn ander vnd in solichs ye in eynē nach  
dem andern heysen zeygen vñnd wenn er das in den dreyen  
briefen gezeigt hat so sol der meyster sprechen nun verstan  
ich wol das du der sache eynen gantzen gerechten grund hast

**Frage**

Nun komm ich widerumb an die endbeschließung eyns send  
briefs du hast mir vorgesagt das die missue verwandelt wer-  
den vnd hast mir doch nicht gesagt in welcher weis darumb  
frag ich ob es vmb eyn freuntliche sache wäre wie den die end-  
beschließung sein solt

**Antwort**

Von welcherley freuntlicher sachen wegen man schreibt vñ  
bittet zethūn da sol alwegem die endbeschließung sein das  
man das thūn verdienen wölle vñnd das mit so freuntlicher  
erbietung vnd lieblichen wortten gesetzt werden

**Frage**

Wär es aber vmb freuntlich sachen wie solt man den die end-  
beschließung machen

**Antwort**

Das will ich euch sage alle die weil eyner den andern in seine  
schreiben nicht schiltet oder in beschuldiget das wider sem ere  
vnd glimpff ist warumb er im sunst schreibet ob er im nit gar  
willig wäre dennoch so sol er von seines glimpffs wegen im  
des ersten die salutation setzen darnach sol er sem vorredung  
vñ begerung setzen nach de sol er bitten ob die sache solich ge  
stalt heit dz im nit zu vil zeitun wäre dz er bitt wan es gehet  
nit vmb alle sache zebittē sunder wer eyn sache gern von eynē  
heit das er im nit schuldig wär zeitun der sol in darüb fleißig  
bitten/wer aber vorredung an eyn hat vmb sache die er im schul  
dig ist zeitund der mag das bitten vermeide vnd an in begerē  
das er im selichs tū es wär den das die person in solcher hoch  
u irdig heyt oder sem vbergenoh vñ in merer macht gegen im  
ware an die er denn ezfordern heit so mag er von künfftiger  
fürdermih wegen das begeren verwechsseln vnd eyn wolge  
formt bitten thun/wär es aber gegen eyner person das im rin  
ger wär fürzunehmen vnd auch vmb sache die er nit wölt oder  
möcht fallen lassen vnd sich verfahe das er dem er geschriben  
heit nit willig wär im nach seiner begerung ezethun so sol er  
im die endbeschließung nach dem als er geschriben hat das er  
im selichs tū bester gerner er auch tūn wölt das im lieb sey  
was des zeschulden kām die verkerung setzen ob er meynte dz  
er im selichs nicht schuldig noch pflichtig sem soll so wölt er  
sich darumb freunt sichs rechten von im benügē lassen vnd sol  
daru mb seiner geschribnen antwort begeren **Frag**  
Gab er im denn heyn antwort wie solt er im den darnach sch  
reiben damit das er in zu antwort brächte **Antwort**  
Er sol im nach der salutatio also schreiben als er im nächst ge  
schriben hat in eynem brieff des datum wase auff den tag zu  
welchen tag vñ iarzal das beschehen ist also sol er das melde  
vnd sol denn die sache krieren warumb er im denn vormals  
geschriben vnd wie er rechtens an in begeret vnd darumb sem  
geschriben antwort die im nye worden sey das in doch vnbil  
lich bedunck also beger er selichs aber in mah als vor thäte er  
das nit so müht er von im schreiben klagen vnd sagen fürsten  
herren rittern vnd knechten stetten vnd menglichem als wat  
vnd verz wie er möcht das er im vnrecht gethan heit vnd vñ  
im rechtens nit bekommen möcht vnd seiner herren vnd freund  
rät haben was im darzu zeitun gebüre vnd sol aber sem ge  
schriben antwort begeren **Frag**

Dem solchs wurd geschriben als du dann geschriben hast der  
Zeit dem eynen zugriff gethan der im da schrib vnd er meynt  
das im solcher zugriff vnbillich beschehen war vnd darumb  
so hat er im vormalis geschriben das er im das widerkeren od  
rechtens darumb sein solte zum ersten Zeit er im nichtzit ge  
antwort auf sein ander schreiben so erleut er sich er wölte im  
rechtens sein vnd satzt sein richtwort anders denn an im begeret  
war vnd solt der vordrer das also von im auffnemē so wurd  
im die sacht verkeret vnd verlängt vnd er möcht villeicht in  
sollichem rechten wienig oder gar nicht gewinnen wie solt der  
vordrer tū das er in zu gleichen billichen sachen bracht vñ  
das im des bester ee auftrag vñ ende wurd oder er in mit  
glimpff bekriegen möchte

#### Antwort

Wich beduncket welcherley vordrung eyner an den anderen  
wölt tū es sey umb erb oder eygen umb geltschuld geheyh  
oder ander sachen warumb das den sey er sol vor eygentlich  
wissen oder sich an weisen leuten erfahren ob sein vordrüg bil  
lich sey oder nit war sy vnbillich so solt er sich sein verwegē  
vmb das er nit zu schimpff wurde vñ vnwillen auf sich liede  
denn wie wol man spricht wer sein sacht durch recht handelt  
der thüt nit vnrecht/da spricht vnd halt ich wer eyn vmb vn  
billich sachen zu recht dringt oder bringt der möcht darumb  
wot vngunst e. hōlen vnd an dem rechten nichtzit gewinnen  
Aber wa eyner redlich sp.lich hat der mag sein vordrüg wol  
darumb thun auch rechtens darumb begeren vnd geschicht dz  
dem vordrer das recht anders vnd an andre end gewoten wirt  
denn sein begerüg ist gewesen so sol er im hinwider schreiben  
als er im geschriben vñd geantwort das hab er vernomen/  
nun st ind sein antwort mit nach seiner vordrung vñ begerüg  
dakey müß er sich beduncken lassenn wie er im die sacht geren  
verkeren vñd verlengeren wölt war es dann vmb eyn sacht  
das großlich an im verhandelt wäre also das er im oder den  
seinen das ir vnentsagt genomē oder sich in ander weis groß  
lich verhandelt hat so mag er im schreiben als er im geschribē  
vñd geantwort hab das hab er vernomen vñd laß sich be  
duncken daran wie er sich der geschicht schām vñ darinn sein  
verdruckte vnrecht gern vmb das er mit vor frummen leuten  
geoffenbart wurde/wie aber de so beger er aber an in rechtens  
in massen vñ an dem end als er im das vormalis von der sacht  
wegen geschriben hab/vermeynt er aber das er das also nicht



thün wölte vmb das den er vnd menglich für die sach komē  
verstan sollen vnd mügen das er vngern vnbillichs wolt be-  
geren so wöll er mit in fürkomen vnd sol im dann eyn fürste  
herren oder eynen gemeynen obman oder eyner statt rät ne-  
men vnnnd fürwerffen die ire recht bott lassen verhören vnnnd  
darauß czü recht erkennenn welcher teyle dem anderem von  
der sach wegen die gleichern billichern vnnnd völiglicher  
geltott czü recht geltotten hab oder daselbs büt das dem selben  
von beyden teylen on einträg nachgegangen werd vnd was  
eyner dem andern nachklage antwort red vñ widerred schul-  
dig vnnnd pflichug werd zethün das er im da still stand bis  
im beschicke eyn benügen / schlüg er aber solichs ab vnd wolt  
des eingan zegeben als sich denn das im rechten machen wurd  
so wär wol züuerstan das er solichs vnbillich abschlug vnd  
müht das von im schreben klagen vnd sagē vnd in mit semē  
wappen ob er anders wappens genoh wär auffichlassen vnd  
nicht bester mind trachten wie er seiner spruch von im bekam  
vnd ob sich ichtzit darunder verließ oder machte darumb er  
vnd ander von seinen vnd ir selbs wegen bewarung irer eren  
noturfug wurden das wölten sy sich vor aller menglich mit  
disem brieff wol bewart haben

**Frage**

Wann man solichs als du am letzten gesprochen hast in eynē  
brieff will setzen sol man den selbenn brieff mit der salutation  
anheben oder mit

**Antwort**

Ich sprich welches semnd brieffs end beschließung in solcher-  
form gesetzt wirt der sol mit der salutation mit angehebt wer-  
den

**Frage**

Du hast mir dauor etlicher mah von rechtbütten gesagt vnd  
doch mit so volkig ob ich rechtens an in begerenn wurde das ich  
verstan künde wie ich das an in erfordern sol das ich es noch  
billicher erfordere od ob eyner rechtens an mich begeren wurd  
vnnnd das anders dann billich wär wie ich mich des erwerben  
vnd zü billichen rechten erbütten solte

**Antwort**

Das will ich euch sagē es wasent gemeyne recht wer zü dem  
andern zespochen hab der sol im nachfaren für seinen richter  
darumb hetent oder gewonnen ir spruch zü eyne der für eyn  
andn richter gehert den ir so soltend ir ewer spruch in zebekla-  
gen im für seme richter nachfaren vnd daselbst rechts mit im  
pflegen des gleichen meynt yemand spruch zü euch zehaben  
vñ rechtens darumb mit euch zepflegen der sol euch nachfaren

für ewern richter vordert er auch aber Derumb für eyn ander  
end so sollend ir euch des rechten erbielten für euern richter  
vnd euch dauon mit dringen lassen

#### §rag

Lieber es meynt eyner zu eynē andern der eyns Herren diener  
wār es wār der Hofmeyster od edelrät etlich spruch zehaben  
warumb des dann wār vnd sy wāren beyd in eynem land seh  
hafft vnd er het doch rechts an in nach des selben lands her  
kommen vnd gewonheyt nye geuordert vnd lieh in aufferhalb  
lands für eyn fremd landgericht vordern darunder er mit ge  
fessen wār auch da für zekomen mit schuldig wie sol er das ab  
im bringen

#### Antwort

Dich bedunckt billich sein welcher zu dem andern spruch ver  
meynte zehaben vnd sy beyd in eynem land seh hafft vñ won  
hafft wāren möcht er seiner spruch on recht von im nicht beko  
men er solte in für recht wende nach des selben lands herkomē  
vnd gewonheyt vnd mit aufferhalb lands es wār denn ob er  
im das selb recht abschlüge oder nach seiner forderung da recht  
loß gelassen od mit eynere vteyl beschwärt wurde das er sich  
des denn wāre beruffen appellierte vnd das suchte als dann  
solichs nach ordnung des rechten billich fürzenemē ist/ wurd  
aber eyner vor solichē aufferhalb landes fürgeuordt so meyn  
ich sem herz des diener er wār oder des selben Hofmeyster solt  
in seims herren abwesen dem schreiben der in fürgeuordert het  
lassen er wolt im vmb sem spruch gern für derlich vnuerzo  
genlichs rechten sein nach lands gewonheyt vnd herkommen  
darinn sy beyd gefessen wāren vnd getrawen im wol er lieh  
sich des von im benügen vnd in mit fremden gericht vnbekū  
nert

#### §rag

Wäre aber der der in aufferhalb lands het fürfordern lassen  
bu. ger in eynere statt wār es nit gut der de rät der selben statt  
auch darumb schreibe

#### Antwort

Dich bedunckt glämpfflich sein das im des ersten geschriben

Faint, illegible text at the top of the page, possibly a title or header.

Second block of faint, illegible text.

Third block of faint, illegible text, appearing to be the main body of the document.

Fourth block of faint, illegible text.

Fifth block of faint, illegible text.



a 6

Stich  
werd  
frunde  
mer S  
so lide  
der sta  
sp. edy  
Nun t  
für f

Des e  
fig die  
henn  
dem  
in die  
vorge  
bey cr  
hiera  
er gen  
wen le  
verh  
Sas m  
außer  
sichen  
vnd m  
erbat  
von de  
sich de  
nemten  
A. h. l.  
vnd  
wol g  
vnd  
wegen  
dem b  
Nun w  
gehen  
ren ab  
sich  
W ar

Mich bedunckt glimpfflich sein das im des ersten geschriben  
werd ee yemand anders dem funde man an im das er von de  
fremden gericht wölet lassen so wäre mit notturfftig yemand  
mer darumb zespriechen/meynte er aber dauon nicht zelassen  
so bedeuhte mich gut vnd weglischen sein das man dem rät  
der statt da er burger wäre auch dem lantrichter vnnnd vrtteyl  
spriechern daselbst landgerichtes darumb schrib **Frage**  
Nun beger ich das du mir form oder brief sagest wie man hin  
für so schriben solt dem rät der statt oder andern herren

**Antwort**

Des ersten wil ich es von eynē Hofmeyster setzen/mein wil  
lig dienst zū oder lieber. N. mir hat eyner meines gnädigen  
herren diener gesagt wie du in für das lantgericht. N. für for  
deren lassen vmb spruch darumb du vormals rechtens nye an  
in begeret habest vnd darumb dir voemals auch rechtens nye  
vorgewesen sey vnd noch vngern vorsein wölte vn sich dar  
bey erböte er wölte dir vmb was du meynest zū im zespriechē  
haben gern freütlich für der lichts rechten sem vor dem ic wie  
er genant war vnd vor seiner gnaden erbern edeln räten für  
wen sein gnad in des wise wann im tag daran gesetzt vnnnd  
verkunt werde vnguarlich/nū magst du selbs wol verstan  
das nit glimpfflich billich noch recht ist yemand vmb spruch  
auffer land für fremde gericht zefordn der recht vor landkuff  
lichen gerichtten vnd an billichen enden nye abgeschlagen hat  
vnd nicht abschlecht sunder sich selichs vgerierten rechtens  
erbeit/hierumb so bit ich dich mit dienstlichem gutem fleiß  
von des vorgenannten meins gnädigen herren wegen das du  
dich des genannten. N. rechtbot genügen das also von im auff  
nemen vnnnd in mit dem egenannten landgericht vnbekümert  
schreiben lassen wölest als der obgenant mein gnädiger her  
vnnnd ich von seiner gnaden wegen dir des vnnnd alles gütten  
wol getrawen das stat dem selben meinem gnädigen herren  
vmb dich gnädiglich zeschulden vnd mir von seiner gnade  
wegen mit gutem willen züerdienen vnd beger herauff bey  
dem boten mich in geschriff wissen zelassen **Frage**  
Nun wölet er dir auff den selben seinen brieff keyn antwurde  
geben oder ob er dir antwurte so schlieg er dir doch dem bege  
ren ab wie woltest du den der statt da er burger war darumb  
schriben

**Antwort**

War es eyn mächtige od grosse statt so wölet ich also schribē

mein willig dienst zū vor fürsichtigen ersamen wasen kessen  
vñ guten freund der erber. N. ewer mitburger hat des durch  
kuchigen. N. z. der yetzo nit anheym sunder auffer land ist  
dien einē mit namē. N. für das landgericht. N. für fordn lasse  
darfür er doch nicht geheret vñd dāhim er in meins gnädigen  
herren abwesen herren geschäfte halb nicht kōmen mag noch  
sunst zekōmen schuldig ist / mir hat auch der genāt des vorge-  
nanten. N. meins gnädigen herren diener gesagt das er dem  
obgenannten euwerm burger rechtens an billichen enden nye  
vorgewesen sey vñd im des nochmalen vngern vorsein wölle  
auch das er de selben euwerm burger kurtzlich geschriben vñ  
sich damit erkōten hab im vmb sein spruch für der lichts freunt  
lichts rechten zesein vor dem obgenannten meinem gnädigen  
herren vñd seiner gnade erkern edeln rāten oder für den jem  
gnad das waht zethūn vñd an in begeret solichs von im auff  
zenemen vñ in auf solichs mit fremden gerichtē vñ bekūmert  
zelaassen / das aber euwer benannter burger mit meynt zethūn  
hierumb vñd wann gemeyne recht wasent wer zū dem andn  
spruch meynt zehaben oder hab das der dem nachfaren sol für  
seinen richter / wurde er denn daselbst rechtlos gelassen das er  
dann das recht fürbah an andern gebürlichen enden nach ord-  
nung vñd gesatzt der recht sūchen mūg / so bitt ich ewer wah-  
heyt mit besunderm gutem vleis von wegen des. N. den ge-  
nanten ewern burger daran zewasen das er sich von dem vor-  
genannten. N. meins gnädigē herren diener solicher obgeme-  
ter rechtlos benügen las das also von im auffnemen vñnd in  
auf solichs mit fremde vñ antleuffigen gerichtē vñ bekūmert  
betreiben lassen wölle das stat dem obgenannten n. ein m gnä-  
digen herren vmb euwer fürsichtige wahheyt gnädig lichts ze-  
beschulden vñd mir von seiner gnaden wegen mit gutem wol-  
len zūerdienen vñd bitt hierumb ewer ver schreiben antwurt  
mit dem boten

§rag

Nun wurd im vmb solich schreiben geantwurt / sy hetten iren  
burger von der sacht wegen zū red gesetzt in auch den beiff so  
imē vñ seine wege gesant war hōre lassen d. het in geantwurt  
er het die sacht mit recht gegen im fürgenomen vñnd möcht  
solicher seiner spruch von im on recht nicht entrichtet werden  
so meynt er rechtens darumb zepfleigen an dem end da er dz  
angefangen het wie vñd wem darumb zeschreiben wār dar-  
mit er sich von dem selben end ziehen möcht

Antwort

Das will euch sagen er sol dem Landrichter vnnnd den vrtel  
sprechern des selben Landgerichts also schreiben Wolgeborn  
gnädiger Herz zu mein willig dienst zuuoer der. M. hat den. M.  
meines gnädigen Herren diener für das Landgericht des ir eyn  
Landrichter vnnnd vrtelsprecher sind fürfordern lassenn vmb  
sprüch die er vermeit zu im zehaben nun sind sy beyd in eynē  
Land. M. anhauffhählich vnd wesentlich gefessen darinn auch  
auffrechte redliche gericht sind darfür ir yeder den andern czu  
recht wol bringen mag vnd vber solichs hat der egenant. M.  
meins vorgeantent gnädigen Herren diener außserhalb des sel  
ben Landes für das egenant Landgericht fürfordern lassen vnd  
rechtens in dem egenanten Land nye an in begeret das doch mit  
Billich ist/ hierumb so bit ich euch mit funderm gutem vkleis  
von wegen des offtgenanten meins gnädigen Herren ir wöl  
lend den vorgeantent meins gnädigen Herren diener egenat  
mit ewerm gericht von d egemelten sacht wegē mit fürnemen  
noch vrtel darumb sprechen wann er semem widerteyl vmb  
sem sprüch gern fürderlichs freunlichs rechten sem will an de  
end da er das Billichen tün sol vngeward vnd wöllend euch  
hierinn bewaisen als der offtgenant mein gnädiger Herz vnd  
ich von seiner gnaden wegē euch des vnd alles guten besund  
wol getrawen das stat dem selben zu Herren vnd mir von semē  
wegen vmb euch alle vnd euwer yeden besunder in solichen  
vnd merer sachen mit gutem willen zebeschulden vnd zauer  
dienen wa das an vns langte

**Frage**

Nun will ich dich verrer frage es heit eyner gegen dem andn  
etwas verhandelt des er weder glimpff noch füg heit vñ der  
selbig gegē dem er sich verhandelt heit schrib im darumb als  
auff solich meynüg das er im die geschicht abtragē auch wid  
beren oder im rechtens darumb sem solte wie solt er darumb  
antworten damit er semem verhandel gelimpff gefügte vnd  
auffnemlich gestalt möcht machen

**Antwort**

Sunder ich meyn vñ halt wer handelt oder tū das vnfüglich  
sey der thū wider glimpff vnd füg vnnnd wer wider glimpff  
vnd füg thūt der thūt wider recht. denn vnfüg verkünnt das  
vnrecht so mag auch vnrecht mit recht sem

**Frage**

Vnfüg vnd vnrecht ist zweyerley denn es möcht eyner eyn  
sacht gegen eynem andern fürnemen oder wider in handlen  
das sem füg mit wāre vnd damit der handler dennocht wider  
recht mit thäte

**Antwort**



Das bekenn ich aber vnrecht ist maniglich verbotten so meyn  
ich das niemandfüg vnrecht czethünd vnd darumb so heys  
vnd nenne ich vnrecht vnfüg vnd gib im also eynē minder  
vnd lieblichen vernemlichen namen denn ob ichtz it bloß on  
verdeckung nannte vnrecht vnd ich doch habend gesprochen  
es müg vnfüg gehandelt werden das es wider recht nit sey/  
des ich euch auch bekent hab so meyn ich doch vnrecht niemad  
solle thun ob sich darinn eyn person vergah die in solliche stat  
vnd namen wäre das man wider sy nicht gern groblich redte  
gegen der selben person mag man das woert vnrecht v r wand  
len vnd das heysen vnfüg vmb das die person ver stand das  
man sy nit für vnwürdig halt oder ring wege vnd nit gern  
groblich wider sy rede sunder warmn man ir geschünē möcht  
das man das lieber tät vnd wie wol die sacht als eyn vnfüg  
war fürgetragen so mag man sy mit nachuolgenden woertten  
in sollicher mah klüglich berieren das sy doch als für vnrecht  
werd vermerckt vnd gehalten

Vnfüg vnd vngelimpff zu gelimpff bringen ist eyn sacht das  
ich nit weys wie das zugeschehen sey wann ich meyn zu gut  
wann ich müste tagen vmb eyn sacht das ich gelimpff füg vñ  
recht hette dz ich niem gerechtigkeit möcht behalte wie hünd  
ich denn eyn solliches wissen ic / ich meyn das eyn solliches gar  
kaum vnd nit gering zugeschehen sey es wäre dann ob der da  
vnfüglich gehandelt het mit dem wider den er gehandelt het  
fürkeme zu verbunden tagen oder rechten vnd das vor selliche  
fürkemen der an dem wider den verhandelt wäre worden dem  
verhandler eyn solliches von der sacht wegen zugeschriben oder  
auff dem tag oder auff dem tag vnder in rede dar in er in vn  
recht gethan het oder tate oder das der handler das fürkeme  
in sollicher mah gethan het das er eyn vnteyl vnd bedeckung  
seiner vngeschicht darinn möcht haben vnd das sein widteyl  
das selb gebott nit verstanden vnd also auffgenommen het od  
das darunder verhandelt war worden die sacht mit recht für  
bracht vnd das der verhandler in seiner antwort auff seines  
wider teyls fürbungung der geschicht eyn verkerung gabe

Frage

Lieber sag an hast du ye hö:en sagen von bedingtem rechten  
vnd weyst du den vnder scheyd warumb man die selben recht  
heysht bedingt vnd vnbedingt so sag mirs

Antwort

Das will ich thun wa eyner eyn vordrung an den andern tut  
Da der ander der geschicht vnnnd sach in laugnen stat oder des  
sunst schuldig sind also das der vordrer meynt er hab der sach  
vnnnd vordrung recht vnnnd der ander meynt der vordrer hab  
weder der sach noch der vordrung recht vnnnd vermeynt sich  
nemlich vmb die selben sach fürzefomen mitemander zefome  
zu recht vnnnd mit recht auffindig lassen zewerden welcher  
der sach recht hab vnnnd was eyner dem anderen von der sach  
wegen schuldig vnd pflichtig wurd tze thun vnd fomen also  
zu. n. vnd stand gegen eynander versprechet für vñ zu recht  
das selb recht heyt vnd ist eyn bedingt recht.

§rag

Wie ist denn eyn vnbedingt recht vnd warzū dienet das

Antwort

Das will ich euch sagen welcher den andern anforderet oder  
im züspricht vmb eyn sach des im der der angefordert wirt mit  
bekennt oder laugnet sunder antwertet müg oder wöll er in  
vordrung vñ anspruch mit vertragen so wöll er im gern eyns  
freuntlichē vnbedingten rechten sein vnd im vmb sein spruch  
tun als vil er im nach ir beyder teyl klag antwert red vnnnd  
widerred mit recht zethun schuldig werd / nimpt der vordrer  
das also von im auff vnnnd fomen also beyderseit fürsprecht  
in recht so heysset vnnnd ist das in dem land tzu schwaben eyn  
vnbedingt recht

§rag

Ist das selb recht beydenteylen eyn gemeyn gleich recht oder  
mocht der eyn teyl eyn vorteyl darinn haben

Antwort

Es ist allen de die solichs angebürt eyn gemeyn recht doch ist  
es gar groh vorteylig

§rag

Als wie verstaft du das

Antwort

Warumb eynem vor sollichem rechten zügesprochen wirt hat  
man darumb mit beieff vnd sigel nach notturfft war denn der  
handel darumb man im züsprach allen den wissentlich die vñ  
teyl sprechen solten / laugnet er vnnnd beut seme recht darfür  
zetun / so gibt doch nach der frag des rechten vorteyl vnd recht  
ob er anders bis auff die zeit eyn vnuerprochenner man gewe  
sen ist müg er darstan vnd schweren eynen gelerten eyd leib  
lich zü gott vnd den heyligen das er der sach darumb er beklä  
get vnschuldige sey des sol er geniessen vnd also wirt eynem  
die sach gesetzt zü eynē rechten das selb ist die vorteyl in eynē  
vnbedingten rechten

§rag

Ich beger das du mir sagest wie das recht gen schwaben komē  
sey vnd wem es angebülich sey

**Antwort**

Das will ich euch sagen die schwaben habends gar vor vil ia  
ren vmb das römisch reich hertlich verdient mit irer end-  
lichheit vnd grosser frümmeit vnd ires blüts vil vmb die  
vnd ander ir freihait vergossen vñ ist in das selb recht von rō-  
mischenn keysern vnd künigen von eynem an den andern ye  
seidher bestätiget worden vnd gebürt an eynen yeglichen  
frummen freyen schwaben

**Frag**

Es ist manicherley statumb vnder den menschen also das ye  
eyn person würdiger denn die ander ist nun gebürt eynē semē  
ebengeleichen zeschriben oder eynem der merer oder minder  
an der würdigheit war denn er wie solt er das tū das es mit  
vernunfft vnd recht beschehe

**Antwort**

Das will ich euch sagen eyn yegliche person sy sey geystlich  
oder weltlich in welchem statumb vnd grad ir stätz sy ist die  
eyner andern person schriben wölle sol wissen in welche sta-  
tumb vnd grad des selben statumbs die selben person sey der  
man wölle schriben vmb das er der selben person ir adiectiva  
das ist der zūwurff irer würdigheit in der salutation narratio  
petition vnd conclusio auch in der superscriptio recht wissen  
müg zusetzen also das er eynem hochwürdigen ir schrib als  
eynem niderwürdigen noch eynem minder würdigen als eynē  
merer würdigen

**Frag**

kündest du mir sagen vñ vnderscheid geben wie man das mit  
dem schriben begreifen setzen vnd thū solt das solichs recht  
geschriben vnd gesetzt wurde wölle ich gern hören

**Antwort**

Lieber meyster es sind zwē stät der welt eyner geystlich der  
ander weltlich vnd yeglicher stät ist in drey geteylt die höch-  
sten zefamen die mitteln auch zefamē vnd die nidersten auch  
zefamen vnd die zū dem höchsten weltlichs statumbs gehe-  
rent das sind alle die gefürst sind aber die habend noch man-  
chen grad die künig haben noch eynen römischen künig oder  
römische keyser den höchsten grad darnach die curfürste dar-  
nach die hertzogen von beyern vnd von östereich vnd ir ge-  
nossen darnach die marggrafen vñ nachssen die marggrafen  
von merher als der marggraf vñ Brandenburg marggraf von  
lutringen vñ ir genossen darnach die landgrafen von turingē  
von hessen landgrafen von liechtenberg von elsaß ir genossen

Darnach die Burg grafen von meydburg Burg grafen von nürnberg von reimegg wie wol die obgenanten alle gefürstet vnnnd in eyn teyl des weltlichen höchsten statumbß zusamen gekleyt sind so ist doch ir statumbß grad ye eynere höher denn der ander

So sind denn mittel teyl des weltlichen statumbß czügeteylt die grafische auch die freyen Herren vnd die baner Herren die man zu latein nehet wie wol im die so in den mittel teyl weltlichen statumbß Herren zusamē geteylt sind &c/ so sind doch die grafischen höher denn die baner Herren &c/es sind auch ritter vnd rittermäffig vnnnd die an würdigkheit mander sind denn sy dem nidersten stat teyl weltlichen statumbß zügeteylt/nun wie wol die alle dem nidersten teyl sind czügefugt so ist doch ye eynere an seinem grad höher denn der edel dienstknecht/so ist der edel dienstknecht höher denn eyn bewapneter burger/so ist eyn bewapneter burger höher denn eyn vn bewapneter/so ist eyn vn bewapneter burger höher denn eyn baur

Nun ist wol züuerstan welcher seine ebengenossen schreiben will das er im ersamlich freuntlich vnnnd liebllich schreiben sol als seiner genohhafft gebürlich ist/auch das eyn yeder mind würdig seinem obern vnd merein würdigen in seinem schreiben oder in seiner rede würdigen eren sol vnnnd welcherley er an in zefordern oder zebitten hat das sol er gen seinem obern demütig lich thun/den höchsten sol man ir adiectiua in superlatiuo setzen den mitteln in comparatiuo vnnnd den nidersten in positiuo/aber das mag man etwan verkeren ye darnach eynē eyn sach gen dem andern anlige vnd er von im liggeret darin fürderung vnd hilff zeempfaßen vnd im der dem er darumb schreibt oder bitt hilff vnnnd fürderung mit teylen mag er im som adiectiua merren vmb das im sein schreiben deßter amüntlicher vnd bas auffnemlich zehören vñ zeempfaßen werde er auch gegen im deßter mer genießen möcht dan ob er im nit so hoch ersamlich schreib sunst sol man niemand zu vil vbertreffentlichen setzen denn wann man eynem Cursfürstenn schreib als eynē römische künig des war zu vil/also durch auß nach yeglichem grad vnd stat doch wie eyns manns notturfft vñ sach gen eynere andern person der er da zeschreiben in willenn gelegen ist auch gestalt vnd er der selben person hilff vnd fürderung notturfftig ist vnd getraut zegenießen darnach mag

er die selben person in seinem schreiben etwas bescheydenlichs  
bester bas vnd doch mit zu vil wütdigen vnd eren

### Frage

Sag mir an noch eins ob zu wissest so eyner hauptbr. schreibe  
solt vmb welcherley sachen die notturffüg wurd wie das  
fürzunehmen sey das es recht gearticuliert vnd mit gütten vnz  
derscheiden notturffüglichen begriffen wurd so will ich dich  
dann genüg gefragt haben

### Antwort

Ir wissent wol das die leut vil vñ manigerley miteynander  
zeshandlen habend vnd das yeglichs land auch yegliche herz  
schafft vnd statt besundere freihēyrt recht vñnd alter n dlicher  
herkomen güt gewonheit habend / vnd was vmb eyn sach in  
eynem land recht ist das ist in eynem andern land nicht recht  
sch gleichē auch in den stetten / darumb in welchem land vñ  
in welcher statt eyner eynē eyn brieff schreiben will da er ist  
oder will sein der mag mit eyn gütter schreiber da sein er wisse  
denn die ländrecht dasebst vñnd statrecht was auch die leut  
miteynander begünend oder gegen eynander handlend das  
sol beschreiben nach des lands herzschaftt oder statrechtē da sy  
sehafft sind es wär denn das sy irer handlung beding gegen  
eynander hetten troffen vñnd fürnemen mit wilkür denn mit  
wilkür bedingt man land vñ stett recht doch wie eyn sach für  
genommen wirt es sey nach lands recht oder nach eyner herz  
schafft recht alder nach eyner statrecht oder mit wilkürter be  
dinge also sol es der schreiber vermercken vnd der vermerckung  
vñnd begreiffung eyn concept machen mit solichen articulen  
vnd in solicher form als man denn vmb solich sachen daselbst  
zemachen vor malen gepflegen hat vñnd nicht in ander noch  
fremder was vñnd das den beyd teyl die sach berürend hören  
lassen wes czü vil wär das sol er abthün wes zü wenig was  
das sol er hñzū setzen darnach sol er das selb concept lauter  
vnd ordenlich nach eynander als es sein sol auff berment od  
bapper wie man das denn haben will ingrossieren das heysset  
vnd ist eyn beiblich brieffschreiben darinn nun verkeret werd  
auch so sol er nach eynem gütten formulari achten darinn von  
welcherley sach wegen nach des lands recht od der stett rech  
ten brieff zemachen formen vñden mäg vñnd sich sch selben  
behelffen damit mag er die leut nach irer notturfft versorgen  
vnd im selb eyn güt lob machen vnd behalten